

«Հինանսների և էկոնոմիկայի նախարարի տեղակալ-գլխավոր գանձապետ»



Ա.Ջանջուղազյան

ք.Երևան «15» 01 200թ.

«Յունիբանկ» ՓԲԸ-ի Վարչության նախագահ



Վ.Աթայան

ք.Երևան 200թ.

ՊԱՅՄԱՆԱԳԻՐ

«ՀՀ Ֆինանսների և էկոնոմիկայի նախարարության տեղական գանձապետական բաժանմունքների դրամարկղային սպասարկման»

Հայաստանի Հանրապետության Ֆինանսների և էկոնոմիկայի նախարարությունը՝ ի դեմս նախարարի տեղակալ-գլխավոր գանձապետ պարոն Ա. Ջանջուղազյանի և «Յունիբանկ» ՓԲԸ-ն ի դեմս վարչության նախագահ պարոն Վ.Աթայանի (այսուհետ՝ կողմեր), իրենց իրավասությունների շրջանակներում կնքեցին սույն պայմանագիրը հետևյալի մասին.

1. ՊԱՅՄԱՆԱԳՐԻ ԱՈՒՐԿԱՆ

Սույն պայմանագրի առարկա է հանդիսանում «Յունիբանկ» ՓԲԸ-ի կողմից ՀՀ Ֆինանսների և էկոնոմիկայի նախարարության թվով 25 տեղական գանձապետական բաժանմունքների դուրս գրած կանխիկ դրամի ստացման չեկերի սպասարկումը, դրանց հիման վրա կանխիկ դրամի տրամադրումը և վերջինիս հետ կապված կողմերի հարաբերությունների կարգավորումը:
Սույն պայմանագրով նախատեսված ծառայության մատուցման առավելագույն գումարը կազմում է 30,000,000/երեսուն միլիոն/ ՀՀ դրամ՝ ներառյալ հարկերը, տուրքերը և այլ պարտադիր վճարները:

2. ՊԱՅՄԱՆԱԳՐԻ ԸՆԴՀԱՆՈՒՐ ՊԱՅՄԱՆՆԵՐԸ

2.1. Սույն պայմանագրում օգտագործվող հիմնական հասկացություններն են՝ Նախարարություն ՀՀ Ֆինանսների և էկոնոմիկայի նախարարություն, ՏԳԲ-ն՝ սույն պայմանագրում հիշատակվող ՀՀ Ֆինանսների և էկոնոմիկայի նախարարության տեղական գանձապետական բաժանմունքներ, Հիմնարկ՝ ՏԳԲ-ներում սպասարկվող ՀՀ բյուջետային (պետական) հիմնարկներ, իրավաբանական անձիք, Բանկ՝ «Յունիբանկ» ՓԲԸ-ն.

Կանխիկ գումարի ստացման չեկ (նաև չեկ) օրենքով սահմանված ձևով կազմված արժեթուղթ, որը պարունակում է ՏԳԲ-ի որևէ բանով չպայմանավորված գրավոր կարգադրությունը Բանկին այն ներկայացնողին վճարել դրանում նշված գումարը կանխիկ ձևով.

Պայմաններ (սահմանված կարգ)՝ Սույն պայմանագրով սահմանված արարողակարգերը և պայմանագրի անբաժան մաս կազմող, ՀՀ Ֆինանսների և էկոնոմիկայի նախարարի 2000 թվականի մարտի 29-ի N 38 հրամանով հաստատված՝ «ՀՀ Ֆինանսների և էկոնոմիկայի

նախարարության տեղական գանձապետական բաժանմունքների կողմից կանխիկ դրամի ստացման չեկերի դուրս գրման և «Հ առևտրային բանկերի կողմից այդ չեկերի սպասարկման ընդհանուր պայմանները»:

Պահանջագիր՝ սահմանված կարգով ՏԳԲ-ի դուրս գրած չեկերին համարժեք վերջինիս կողմից բանկ ներկայացվող կանխիկ դրամի ստացման պահանջ:

Բանկային ամփոփ ռեեստր՝ սահմանված կարգով սպասարկված չեկերի հիման վրա բանկի կազմած գրությունը

2.2. Բանկի կողմից չեկերի սպասարկումն իրականացվում է սահմանված կարգով:

2.3. Սույն պայմանագրի շրջանակներում բանկ ներկայանելու նպատակով չեկեր դուրս գրելու լիազորությամբ օժտված ՏԳԲ-ների ցանկը կցվում է՝ Հավելված N 1, որը սույն պայմանագրի անբաժան մասն է:

3. ԿՈՂՄԵՐԻ ՊԱՐՏԱԿՈՐՈՒԹՅՈՒՆՆԵՐԸ ԵՎ ԻՐԱՎՈՒՆՔՆԵՐԸ

3.1. Նախարարությունը պարտավոր է.

3.2. Ապահովել՝ ՏԳԲ-ի կողմից սահմանված կարգով հետևյալ գործառույթների կատարումը.

ա/ չեկերի դուրս գրումը.

բ/ բանկին տրամադրել ՏԳԲ-ների կնիքների, չեկի և այն դուրս գրելու իրավունք ունեցող անձի /անձանց/ ստորագրությունների նմուշները.

գ/ չեկերի դուրս գրման օրը՝ մինչև ժամը 16³⁰ բանկ ներկայացնել պահանջագիր.

դ/ բանկի կողմից սպասարկված չեկերին համարժեք գումարը փոխանցել վերջինիս նման պահանջ (ռեեստրի) ստանալու օրվան հաջորդող մեկ բանկային օրվա ընթացքում:

3.3. Մինչև յուրաքանչյուր եռամսյակին հաջորդող ամսվա 25-ը բանկին փոխանցել սպասարկման վճար վերջինս կողմից տվյալ ամսվան նախորդող եռամսյակի ընթացքում սպասարկված չեկերին համարժեք գումարի հավելված N 1-ով սահմանված տոկոսների չափով:

3.4. Սույն պայմանագրի 3.2 կետի «դ» ենթակետի պահանջների խախտման դեպքում յուրաքանչյուր ուշացված օրվա համար բանկին վճարել տույժ՝ չփոխանցված գումարի 0,1%- ի չափով:

4. ՆԱԽԱՐԱՐՈՒԹՅՈՒՆԸ և ՀԻՄՆԱՐԿՆԵՐԸ ՀԱՄԱՊԱՏԱՍԽԱՆԱԽԱՐ ԻՐԱՎԱՍՈՒ ԵՆ.

4.1 Բանկի կողմից սահմանված կարգի պահանջները խախտելու դեպքում ժամկետից շուտ դադարեցնելու պայմանագիրը: Ընդ որում սույն պայմանագրի 3.2. կետի «դ» ենթակետին համապատասխան իրականացվելիք վճարումներից զանձել սույն պայմանագրի կետ 7-ով նախատեսված տույժերը:

4.2 Չընդունել կանխիկազման չեկի դիմաց բանկի կողմից տրամադրված այն դրամանիշները, որոնք հնամաշ են և չեն համապատասխանում «Հ Կենտրոնական բանկի կողմից սահմանված ՀՀ դրամի վճարունակության հատկանիշներին»:

5. ԲԱՆԿԸ ՊԱՐՏԱԿՈՐ Է.

ա/ Մինչ ՏԳԲ-ների կողմից չեկերի նմուշների տրամադրումը, իր միջոցների հաշվին ՏԳԲ-ներին տրամադրել չեկային գրքույկներ՝ դրանց նմուշները նախօրոք համաձայնեցնելով Նախարարության հետ:

բ/ Անմիջապես և առանց վերապահումների սպասարկել սահմանված կարգով հիմնարկների կողմից բանկ ներկայացված չեկերը:

գ/ Չեկերի դիմաց վճարը կատարել ՀՀ Կենտրոնական բանկի կողմից սահմանված ՀՀ դրամի վճարունակության հատկանիշներին համապատասխանող պիտանի դրամանիշներով:

դ/ Բանկային ամփոփ ռեեստրները սահմանված կարգով, մինչև յուրաքանչյուր օրվա ժամը 16³⁰ ներկայացնել ՏԳԲ:

6. ԲԱՆԿՆ ԻՐԱՎԱՍՈՒՒՄ

6.1. Չսպասարկել այն չեկերը, որոնց դուրս գրումը և բանկ ներկայացումը չի համապատասխանում սահմանված կարգին:

6.2. Չընդունել և հետ վերադարձնել այն պահանջները, որոնք ներկայացվել են սահմանված կարգի խախտումով:

7. ԿՈՂՄԵՐԻ ՊԱՏԱՍՆԱՆԱՏՎՈՒԹՅՈՒՆԸ

7.1. Նախարարությունը պատասխանատու է բաժանմունքների կողմից դուրս գրված չեկերի և դրանից բխող պարտավորությունների կատարման համար:

7.2. Բանկը պատասխանատու է սահմանված կարգով իրեն ներկայացված չեկերի չստացարկման համար: Բանկը միանվագ վճարում է տույժ՝ չսպասարկված չեկի (չեկերի) համարժեք գումարի 0.3%-ի չափով:

7.3. Բանկը պատասխանատվություն չի կրում կորցված /գողացված/ չեկերի սպասարկման համար, եթե այդպիսի չեկը սպասարկվել է սահմանված կարգին համաձայն՝ մինչև ՏԳԲ-ների կողմից դրա կորստի մասին տեղեկացվելը:

8. ՎԵՃԵՐԻ ԼՈՒՇՄԱՆ ԿԱՐԳԸ

Սույն պայմանագրի հետ կապված վեճերը լուծվում են բանակցությունների միջոցով: Այն դեպքում, երբ բանակցությունների միջոցով կողմերի միջև ծագած վեճերը չեն լուծվում՝ կիրառվում են քաղաքացիական դատավորության մասին ՀՀ օրենսդրությամբ սահմանված ընթացակարգերը:

9. ԵԶՐԱԾԱՎԻՉ ԴՐՈՒՅԹՆԵՐ

9.1. Սույն պայմանագիրն ուժի մեջ է մտնում ստորագրման պահից և գործում է մինչև 2007 թվականի հունվարի 1-ը:

9.2. Եթե պայմանագրի գործողության ժամկետը լրանալուց մեկ ամիս առաջ Կողմերից և ոչ մեկը չի դիմել սույն պայմանագիրը դադարեցնելու առաջարկությամբ, պայմանագիրը համարվում է երկարացված մեկ տարով՝ նույն պայմաններով:

9.3. Սույն պայմանագիրը կազմված է երկու օրինակից, որոնք ունեն միևնույն իրավահավասար ուժը և համապատասխանաբար տրամադրվում են Կողմերին:

10. ԱՅԼ ՊԱՅՄԱՆՆԵՐ

Սույն պայմանագրում փոփոխություններ կարող են կատարվել մի կողմից որևէ մեկի գրավոր առաջարկության ասկայության դեպքում՝ երկու կողմի համաձայնության պայմաններում:

11. ԿՈՂՄԵՐԻ ԻՐԱՎԱԲԱՆԱԿԱՆ ԿԱՑՑՆԵՐԸ

«Ֆինանսների և էկոնոմիկայի նախարարություն

ք. Երևան, Մելիք-Աղամյան 1



ք. Երևան, Ամիրյան 2

[Handwritten signature]

[Handwritten initials]